



Te na partida combatüda ti gareta ala formaziun ladina de rosedé le svantaje te püc menüc y se condüj a ciasa trei punc de gran valüta.

La Val á incunté te súa setima partida de campionat l'avarsar da Uttenheim, nōia squadra de chēsta sajun tl rode C. Sōn le ciamp lerch da Uttenheim ti él gnü pité al publich ladin rové adalerch na bela partida, rica de ocajiuns y combatüda cina l'ultim menüt. Le nü aversar pēia ia cun en gran druch, ti prüms menüc é i padruns de ciasa che fej le jüch y se alza a mēt sot presciun la defenjiun ladina. Al 16[^] vëgn le palé arlungé de puniziun te area ladina, daulache Stefan ne é nia fortuné y rebat cun le brac sēnza urēi le curan te súa porta. Püch dô é la reaziun dla squadra ejemplara, atira costruēsc la formaziun ladina trēi gran ocajiuns. Alexander se fej lerch al limit y vega na trata che vëgn tignida sō dal verdaporta. Al 20[^] aspeta le capitan Stefan te area daulache na crossada vëgn rebatüda naota de cé y sēnza sighthé le medemo pro na curēta de forfesc che ti gareta ince y fej ruvé le palé a bót sigü sura le portier ite. Cun le gol é le resultat y le autogol da denant indo avalié. Al ne passa nia daldöt dui menüc che Michele vëgn sorví dal mezciamp, ala trata vëgn le palé rebatü y rōia sōn le pé de Max che tira te n secundo momēnt te porta por le vantaje. Al 30[^] é Werner che fej pié ia n'aziun de cuntrapé, al crossēia amez por Alexander che pro de rebat de ce cuntra porta, le portier se destirá y deloj le palé te ciantun. Al 35[^] manacia Franz de arlungé le vantaje, sōn na gran trata de puniziun indirizada tl set de porta é le un da Uttenheim che desfantēia al'ultim mumēnt. Dan la fin dl pröm tēmp é ciamó Alexander che ti fej le pulan al pé lunch de porta cun na trata a giré.

Le pröm tēmp se stlūj jō sōn le resultat de 2 a 1 por La Val

Le Uttenheim prô de renforzé l'atach tl secundo tēmp, chēsc porta bun ala squadra, che mēt sot a presciun le mūr da La Val. Al crēsc ince le nervosism te ciamp y le jüch se fej tosc grô. Al 70[^] vëgn Luca desgort dal ciamp por dopla amoniziun. Le Uttenheim manacia ciamóde avalié le resultat al 75[^] cun na gran trata dal limit che rebat tla stangia. Deperpo che i padruns de ciasa atachēia le mezciamp ladin, stēnta i ghesch a tigní sō le palé por ti pormēt de trá le flé ala defenjiun. Da alzé fora dessigü la gran prestaziun dl portier Sepl, che á salvé plö iadi le resultat. La partida se rōia defata y La Val pó se porté a ciasa trēi punc asuiá mo de gran valüta por l'andamēnt dla tlassifica.

Uttenheim – La Val 1-2

Formaziun La Val: 1. Josef Kantioler, 2. Luca Pescollderung, 3. Werner Sottara, 4. Christian Dapoz, 5. Marco Castlunger, 6. Freddy Sottara, 7. Max Nagler (dal 75^a Paolo Vallazza), 8. Michele Campeï (dal 65^a Samuel Winkler), 9. Alexander Miribung (dal 80^a Marco Sottara), 10. Stefan Sottara - capitan, 11. Franz Tolpeit (dal 85^a Adrian Miribung)

Goi por La Val: Stefan Sottara al 20^a, Max Nagler al 25^a

Proscima partida: *In dumënia ai 23 de otober dales 15:30 a La Val cuntra le San Iöre Junior*

Atri resultat:

Altherren (La Val): Welsberg – La Val: 1-1

Allievi (La Val):

Giovanissimi (La Val): La Val – Val Badia: 1-3

U11 (La Val / San Martin): Mareo - La Val / San Martin: 2-0

U10 (San Martin / La Val): S. Martin/La Val – Chienes: 4-1

U8 (La Val): La Val - Dietenheim: 3-0

La Val - Stegen: 3-0